

畿

輔

通

志

(十三)

PDG

畿輔通志卷二百十六

列傳二十四 明

明

順天府

董倫

吳顯

楊小兒

王二共

劉士原

顧仲禮

儲福

朱鑑

劉中敷

黃潤玉

王驥

李素

趙昇

張敏

韓定

周尙文

李侃

李賓

秦敬

郭登

張熙

甄庸

賈琳

劉英

李慶

武周文

杜奇

秦亨

冀傑

李李鼎

李敦

張法保

李儀

王鐘

李震

崔富

芮鈞

楊慶

袁彬

劉懷義

蘇敏

李鸞

賈承芳

韓士舉

盧祥

黃毅

馬宣

楊善

薛斌

李嘉

張漢

張素

毛勝

施聚

殷謙

韓雍

董方

岳正

龔遂榮

郭鎮

劉器之

侯顯

高瑄

邢表

李東陽

李琮

李埈

賈鉞

史道

田景賢

張恕

張綸

鄧璋

萬盛

秦貴

王獻臣

張禎

許銘

梁材

萬英

寧河

馮瑒

李珺

明

張垣

朱銳

吳瑾

郭敏

曾鑑

劉志

李紳

孫節

劉瓊

史俊

夏昂

燕忠

馮傑

方榮

張玘

周盛

王禾

周榮

張禴

趙永

王鐘

錢福

楊寬

孫雄

金純

展鈺

楊垣

陳壯

龔然勝

段正

王信

王傳

胡諒

歐信

楊和

朱驥

柳芳

呂循榮

顧大章

邢昭

蕭選

王雄

柴襄

陳賢

韓鵬

畿輔通志 卷二百十六 列傳二十四

畿輔通志 卷二百十六 列傳二十四

順天府

董倫字安常宛平人其先居思縣恩古貝州也學者因稱爲

貝州先生元末徵辟不出得無難洪武十五年以張以薦薦

授贊善大夫侍懿文太子陳說詞切太祖嘉之進左春坊大

學士太子薨出爲河南左參議明盡心事名其退食之堂

日後樂方孝儒爲之記上封事數千言多皆上意明書

州吏目蘭溪諸葛伯衡廉儉薦之帝遽擢爲陝西參議又言

儒學訓導宜與冠帶別於士子訓導始註選三十年坐事竊

雲南教官雲南初設學校倫修身以教人皆窮學建文初召

拜禮部侍郎兼翰林學士與方孝儒同侍經筵御書怡老堂

額及孫凡玉鳩杖賜之解縉滿河州以倫言得召還倫質直

敦厚嘗勸帝曉親藩不聽成祖即位倫年已八十命致仕尋

卒

張熙北平人洪武初知紹興府創建署置一切器具規畫

甚周人咸稱之浙江通志

蘇敏昌平人洪武初授廬州推官擢知府甚得民心卒於官

民皆爲流涕江南通志

吳顯薊州人洪武初改湘鄉州爲縣顯即以知州爲知縣創

建縣治招還流民墾荒田八千餘畝湖南通志

甄庸宛平人洪武三十年舉人才授戶部主事有賢聲永樂

元年任松江知府端謹廉明政平訟簡二年坐累降右軍都

督府經歷三年以薦擢山西道御史出巡陝西四年陞工部

右侍郎命造冬夏衣給賜雲南官生駱進并琉球官生周魯

等彼彼仍奏准自後依時給賜不待奏請著爲令陞南京工

歲輔通志 卷一百十六 列傳二十四 王

部尚書宣德元年兼掌兵部事二年致仕庸性凝重言若不

出口遇事處之綽有餘裕人稱爲篤厚君子分省人

李燾宛平人洪武中知湘陰縣嚴毅而勤於撫字民畏而愛

之湖南通志

楊小兒永清人性至孝母病小兒剖肉一片妻周氏亦剖臂

肉煎湯以進母病得痊洪武中旌旌正

賈琳號崑玉永清人少力學工文詞洪武中以太學生授東

昌府照磨府號煩劇而軍衛尤橫數鞭辱府中佐史前官不

能堪琳執法嚴民賴以少安有繼母訴子不孝琳呼至前委

曲開譬母子泣謝去卒以慈孝稱嘗治解後隙地得白金二

百兩會部符徵鐵即以金代民輸納建文時將軍盛府師過

東昌卒人民家取酒遂相毆擊一市盡誣琳答卒遣之卒詠

琳罵將軍庸詰之琳曰卒王師民亦王氏也民毆且死卒不

當管耶琳雖愚何至罵將軍將軍大賢奈何私一卒撓國法

庸意解爲責軍士以謝民有無賴子從富人陳某貸金不應

遂誣以謀叛株連者六十人命錦衣衛往捕琳力言其枉且

遣耆老四十人赴闕訴証者乃如律按治其宅心之平恕

行事之強教率皆類此永樂志

寶承芳通州人洪武中以貢入太學永樂四年詔國子監擇

才識英敏者應科道之選承芳擢拜山東道御史以建言下

詔獄赦復官尋又忤旨謫龍江典史已又復職陞浙江僉事

卒分省人

王二共武清人洪武時由人才授長安令勤廉有爲民議曰

村落安堵賴有王明府歷官鳳翔知府雜正

歲輔通志 卷一百十六 列傳二十四 四

劉英寶城人洪武中由辟舉爲繁時知縣深得民心秩滿縣人詣闕乞留詔復任命禮部書其政績以風勵天下分省人物考

後改雲陽縣祀名宦祠山西通志

韓士舉寶城人洪武中以辟舉授平陸縣丞廉能惠惠秩滿

當遷民額留之士舉亦入與之居不忍去也在任十八年卒

寶城志

劉士原昌平人洪武中以薦擢知灤州有惠政陞陝西參議

果官左布政使應召至京止跨一蹇隨一僕帝廉得其實稱

揚不已命馳驛赴任時有天下清官劉士原之譽分省人物考

李慶字德孚順義人洪武中以國子生署右僉都御史授刑

部員外郎遷都與知府永樂元年召爲刑部侍郎帝以爲才

數命治他事不得時至詔然屬吏與罪人交通慶輒知之繩

以重法五年改左副都御史時勸貴武臣多令家人行監爲

官民害慶言舊制四品以上官員不得與民爭利今都督察

福等既行罰公侯有犯亦乞按問允行折成伯趙奪掠殺連

夫盜賣軍餉都督譚青朱崇貪縱慶劾之皆下吏已又劾都

督費璵梁銘曹得等皆被責中外憚之進工部尚書尋兼領

兵部事仁宗立改兵部加太子少保弋謙以言事忤呂呂震

等交口詆之惟慶與夏原吉無所言帝尋悟降敕自責並責

震等山陵事多趣辦中官或有求執不與人號爲生李侍皇

太子諫孝陵約東將士甚嚴太子欲獵慶諫止及太子還北

京遂留慶南京兵部宣德二年安遠侯柳升討黎利命慶參

贊軍務許擇部曹賢能者自隨師至鎮夷關升意輕賊不爲備郎中史安主事陳鏞言於慶時慶已病甚強起告升升不

諱轉通志 卷一百一十六 列傳二十四 五

聽直前中伏敗死慶病遂篤明日亦死一軍盡沒明史

盧祥房山人洪武中官刑部郎中才能著稱以從征有功陞

本部侍郎卒於官雍正志

顧仲禮保定縣人幼孤事母孝洪武中蝗起仲禮行田間泣

日食吾苗何以養母俄疾風吹蝗去母沒仲禮年已六十矣

猶廬墓三載上同

武周文大興人洪武末以明經入侍燕邸永樂丙戌召爲侍

講學士賜冠帶織金羅衣一襲上謂學士胡廣曰朕守藩時

吾觀易時王府官僚亦有知者然未若武周文切實但所言

亦有拘滯處蓋易貴知變不失其宜古人隨時從道之說最

爲要妙在虛心玩之耳次日周文入謝上憫其老命爲侍講

學士賜之休沐分省人物考

黃殺平谷人洪武末以奇童召見送國子監讀書宜德癸丑

成進士除御史英廟北征殺疏諫不報扈駕至土木師潰殺

奢節死廕子鑑爲國學生徵補人物考

儲福無錫人隸燕山衛籍明書靖難兵入挈母妻逃去成

祖卽位詔勾戍卒入伍福與焉調曲靖衛仰天哭曰我雖一

介賤卒義不爲叛逆之臣日夜泣不輟竟不食死雍正志

本朝祀忠義祠節錄

杜奇北平人燕王初起兵欲廣置羽翼令境內舉賢良方正

有司以名上奇極諫當守臣節王怒立斬之時方急兵事未

暇逮其家及卽位乃族人徵補人物考福王時贈翰林院檢討諫貞

直雍正志

諱轉通志 卷一百一十六 列傳二十四 六

馬宜北平都指揮使靖難兵起殺張昇謝貴宜巷戰不勝東走薊州起兵西征不利退守薊州出城再戰又敗被執大罵

不屈死建文帝褒恤其家雍正志

本朝賜諡烈愍節朝制

朱鑑北平都指揮使守大寧靖難兵至諸將皆降鑑獨力戰

被縛罵不絕口而死雍正志

本朝賜諡烈愍節朝制

蔡亨字子貞順天人以易學見知於文皇帝永樂初召至京

師欲處以顯職力辭除在平教諭遷永寧府教授訓迪有方

弟子多有成就已而從尚書黃福征交趾多贊畫功乞休歸

正統間卒雍正志

楊善字思敬大興人年十七為諸生成祖起兵預城守有勞

授典儀所引禮舍人永樂元年改鴻臚寺序班善偉風儀首

吐洪亮工進止每朝謁時上目屬之累進右寺丞仁宗即位

擢本寺卿宣德六年被劾下獄纓冠帶論月正統六年子容

詐作中官書假金於尚書吳中事覺論成威遠衛置善不問

久之擢禮部左侍郎仍視鴻臚事十四年八月扈駕北征及

土木師潰善間行得脫也先將入寇改左副都御史與都督

王通提督京城守備寇退進右都御史視鴻臚如故景泰元

年廷臣朝正畢循故事相賀於朝房善獨流涕曰上皇在何

所而我曹自相賀乎眾愧為之止是年夏季實羅綺使瓦剌

議罷兵未還而也先使至言朝廷遣報阿剌知院而不遣大

臣報可汗及太師事必不濟尚書王直等奏其言廷議特簡

四人為正副使與偕行帝命侯李實還議之已而實將至乃

命善及侍郎趙榮為使齎金銀書幣往先是哀敏者請齋服

御物問上皇安不納及是尚書胡濙等言上皇蒙塵久御用

服食宜付善等隨行亦不報時也先欲還上皇而敕書無奉

迎語自齋賜也先外善等無他賜善乃出家財悉市彼中所

需者攜以往既至其備件與飲帳中說善曰土木之役六師

何怯也善曰彼時官軍壯者悉南征王司禮邀大駕幸其里

不為戰備故令汝得志耳今南征將士歸可二十萬又募中

外材官技擊可三十萬悉教以神槍火器藥弩百步外洞人

馬腹立死又用策士言緣邊要害鐵錐三尺馬踏踐觀穿

又刺客林立夜度營幕若猿猴伴色動善曰惜哉今皆置無

用矣問何故曰和議成歡好且若兄弟安用此因以所齋遺

之其人喜悉以語也先明日謁也先亦大有所遺也先亦喜

善因詰之曰太上皇帝朝太師遣貢使必三千人歲必再齋

金幣載送乃背盟見攻何也也先曰奈何創我馬價予帛多

剪裂前後使人往多不歸又減歲賜善曰非創也太師馬歲

增價難繼而不忍拒故微損之太師自度價比前孰多也昂

剪裂者通事為之事露諺矣即太師貢馬有劣弱駝或敝亦

豈大師意耶且使者多至三四千人有為盜或犯他法歸恐

得罪故自亡耳留若奚為貢使受賜宴上名或浮其人數朝

廷核實而與之所減乃虛數有其人者固不減也也先屢稱

善善復曰太師再攻我屠戮數十萬太師部曲死傷亦不少

矣上天好生太師好殺故數有雷警今還上皇和好如故中

國金幣日至兩國俱樂不亦美乎也先曰敕書何以無奉迎

語善曰此欲成大師令名使自為之若載之敕書是太師迫

於朝命非大師誠心也也先大喜問上皇歸將復得為天子
 乎善曰天位已定難再移也先曰堯舜如何善曰堯讓舜今
 兄讓弟正相同也其平章昂克問善何不以重寶來購善曰
 若齋貨來人謂太師圖利今不爾乃見太師仁義為好男子
 垂史策頌揚萬世也先笑稱善知院伯顏帖木耳勸也先留
 使臣而遣使要上皇復位也先懼失信不可竟許善奉上皇
 還時舉朝競奇善功而景帝以非初遣旨薄其賞遷左都御
 史仍蒞鴻臚事二年延臣朝正且舉修賀朝房善又曰上皇
 不受賀我曹何相賀也三年正月加太子太保六年以衰老
 乞致仕優詔不許善狀貌魁梧應對捷給然無學術滑稽對
 客鮮莊語家京師治第郭外園多善果歲時饋公卿戚里中
 貴無不得其歡心王振用事善媚事之至是又與石亨曹吉
 祥結天順元年正月亨吉祥奉上皇復辟善以預謀封奉天
 翊衛推誠宣力武臣特進光祿大夫柱國興濟伯歲祿千二
 百石賜世券掌左軍都督府事尚書胡濙頌善迎駕功命兼
 禮部尚書尋改守正文臣善使瓦剌擄子四人行至是並得
 官又為從子養子乞恩得官者數十數人氣勢烜赫招權納
 賄亨輩嫉而間之是以漸疎外二年五月卒贈興濟侯諡忠
 敏善負才辨以巧取功名而檢忤為士論所棄其為序班坐
 事與庶吉士章樸等繫獄久之相狎時方窮治方孝孺黨樸
 言家有孝孺集未及燬善從借觀密奏之樸以是誅死而善
 得復官子謙王文之戮陳循之寘善亦有力焉子宗襲爵後
 革奪門功降金吾指揮使孫增尚公主明

劉中敷大興人初名中孚燕王舉兵以諸生守城功授陳留

丞擢工部員外郎仁宗監國命署部事賜名遷江西石參
 議宣德三年遷山東右參政進左布政使質直廉靜吏民畏
 懷歲大祲言於巡撫減賦三之二正統改元父憂奪情俄召
 拜戶部尚書帝冲年踐阼慮羣下欺已治尚嚴而中官王振
 假以立威屢撻大臣小過導帝用重典大臣下吏無虛歲三
 年諷給事御史劾中敷與左侍郎吳璽等下獄釋遷職六年
 言官劾中敷專擅詔法司於內廷雜治當流許輪贖帝特宥
 之其冬中敷璽及右侍郎陳璫請以供御牛馬分牧民間言
 官劾其變亂成法並下獄論斬璫荷校長安門外凡十六日
 而釋瓦剌入貢詔問馬駝駑菽數不能對復與璫論斬璽
 獄中敷以母病特許歸省明年冬當決囚法司以詩命璽瑋
 成邊中敷俟母終具奏已釋為民景帝立起戶部左侍郎兼
 太子賓客時方用兵論功行賞無虛日中敷言府庫財有限
 宜撙節以備緩急帝嘉納景泰四年卒贈尚書中敷性淡泊
 食不重味仕宦五十年家無餘貲子璉正統十年進士授刑
 科給事中累官太僕寺卿毗華靡居官剛果左遷遼東苑馬
 寺卿卒子機幼有孝行成化十四年進士改庶吉士正德中
 代張綏為吏部尚書以人言乞歸起南京兵部尚書參贊機
 務流賊犯江上眾議擇將適都督李昂自貴州罷官至機即
 召任之昂以無朝命辭機曰機奉敕有云敕所不載聽便宜
 此即朝命也眾服其膽識致仕歸卒

督府右都督封清源伯諡忠壯傑資性平直明於知人高照

反上親征列侯中有陰持兩端者言高照機變不測用兵若神傑揚言於眾曰吾知其為人矣徒尚詐而無膽氣今天成臨之即震懼就擒矣何神之有竟如其言分省人

薛斌家昌平斌嗣職從成祖起兵晉封永順伯雍正志祿九百

石世指揮使斌卒子壽童方五歲從父費引見仁宗立命嗣伯賜名毅長驍勇善戰正統十四年秋遇敵於鴉兒嶺軍敗

矢盡猶持空弓擊敵敵怒支解之諡武毅子輔孫勳並得嗣伯勳子璽乃嗣指揮使明貴斌之弟也永樂中從征有功累陞都督僉事封安順伯雍正志宣德元年晉侯子世券卒增廣

國公諡忠勇無子從子山嗣為指揮使天順改元以復辟思命山子忠嗣伯卒子瑤嗣宏治中卒子昂降薨指揮使明史

黃潤玉字孟清鄞人五歲侍母疾夜不就寢十歲道見遺金不拾永樂初徙南方富民實北京潤玉請代父行官少之對曰父去日益老見去日益長官異而從之明京有富翁僅一女翁招潤玉宿其家而同買潤玉辭或問之曰瓜田不納履也人物考十八年舉順天鄉試授建昌府學訓導父喪除改

官南昌宣德中用薦擢御史出按湖廣斥兩司以下不職者至百有二十人正統初詔推舉提學官以楊士奇薦擢廣西

僉事提督學政時寇起軍興有都指揮妄掠子女萬餘口潤玉劾而歸之副使李立入民死罪至數百人亦為辨釋南丹

衛處萬山中戍卒冒瘴多死為奏徙夷曠地母憂歸起官湖廣論罷巡撫李實親故二人坐謫含山知縣以年老歸歸二

十年年八十有九卒學者稱南山先生明史其著述甚富以朱

子嘗欲編禮記附儀禮乃取儀禮析為四卷而以禮記比類附之不類者附諸卷首末亦各有意義又以五禮獨缺軍禮因取周官大田禮補之而以禮記諸篇載田事者附焉別為一卷通五卷皆為之註釋總曰儀禮載記附註以小學四書諸經註家或遺或誤撰經書補註以大學中庸皆淵泉撰學庸通旨以禮記深衣制十有二幅鄭氏誤註為裳而玉藻長中繼掩尺註亦誤撰考訂深衣古制以四明新志燕祿撰宵波簡要志以道德經古註皆味谷為之註嘗因安遠侯柳溥問古兵法為註孫子其他論事理者則曰南山錄雜著詩文則曰南山稿皆藏之家人物考

卷二百十六 列傳二十四 十一

李季鼎大興人永樂初以國子生拜春坊贊善講授經書深見禮待當時號為書庫及致仕猶訪以時政宜德初以輔導

功錄其子分省人李嘉宛平人自幼以孝聞及長為奉祠所禮生永樂初以守

城功授鴻臚序班陞通政司參議累官禮部侍郎嚴毅剛方無敢干以私者雍正志

王驥字秉良固安人少負奇略博覽強記尤專詩禮補弟子員永樂初授永清縣簿攝工部主事廉介不阿為權貴所嫉

謫舞陽縣縣多盜驥捕獲其渠魁誅之餘悉繼去固安時夏

麥秋不無收驥請以布代輸公私俱便鄰邑亦仿行之其賑饑報災後即發倉全活甚眾河南秋滿入京疏陳利害數事

賜馳驛還任解任之日行李蕭然縣人懷其德白當道乞留

撫字朝廷嘉其能陞裕州同知仍掌縣事年五十卒子復字初陽事繼母以孝聞正統壬戌成進士授刑科給事中陞通

政司左參議固安志十四年英宗北狩景帝嗣位也先入紫荆

關時選能使飲迎駕者復請行以復為禮部侍郎中書舍人

趙榮為鴻臚寺卿持羊酒往也先嘗其弟伯顏帖木耳環甲

胄操弓矢太上帶刀引復等前露刃夾之也先請復等皆小

官可令胡漢于謙楊善等來復辭歸仍理通政司事英宗復

辟改兵部右侍郎陞尙書改工部尙書加太子少保致仕卒

贈太子太保諡莊簡分省人

李敦字居學涿州人生五歲始能言永樂元年經魁入國子

監因言事切直受知仁廟授戶部主事歷禮部員外郎持已

嚴厲臨事剛決十七年陞江西右參議所至洞燭民隱號令

必行宣德二年陞四川右布政使官中物不私一毫好豪有

犯法者繩之不少貨蜀人稱為鐵面李正統八年召為吏部

左侍郎卒於官分省人

張漢霸州人永樂初為兵部郎中召至便殿問以急務數對

剴切上嘉之賜衣一襲玉硯一枚擢山東左布政調陝西值

歲饑賑恤全活甚眾宣德二年廣東苗亂漢至宣布威德平

之詣闕遂乞休分省人

李素平谷人永樂初由國子生擢山西道御史核實簡靜不

向表奏十年陞湖廣僉事進浙江副使以平恕得民十四年

陞湖廣參政在楚最久楚人多稱之仁宗嗣位召為右副都

御史宣德元年調福建按察使秩滿致仕卒於家分省人

張法保大興人永樂中為金吾衛總旗祖母病剖股煮汁以

進獲痊後復病剖臂肉療之亦愈擢尙賓丞雍正

張素字文質固安人少孤事母至孝母沒廬於墓側有瑞草

臺輿通志 卷一百一十六 列傳二十四 七

靈鷲之應有司欲上其事力辭而止永樂中入國子監知法

縣調封邱嘗築古潭以弭水患除蝗蝻而致年豐政績顯著

以老乞還癩年九十二而卒祀鄉賢固安志

趙昇永清人母病昇虔禱於佛剖臂肉令妻韓氏煎湯療母

永樂中旌雍正

李儀涿州人永樂間以薦舉授戶部主事宣宗既平高照儀

請去趙王護衛尙書張本亦言在歲孟賢謀逆趙王未必不

知高照亦謂與趙合謀儀言是帝不聽既而言者益眾帝封

其詞遣使諭王如儀指王既獻護衛趙卒無事儀尋出知九

江府有惠政英宗即位之歲始設諸邊巡撫僉都御史丁璿

建置明年請以大同東西二路分責於總兵官羅文方政從

之時朝議遣方政楊洪出塞與甘肅將蔣貴史昭合擊朵兒

只伯儀言四裔為患自古有之在備禦有方耳和甯殘部窮

無所歸臣乍叛小為寇邊邊將謹待之將自遁何必窮兵

萬一乘虛襲我少有失適足為笑乞較政等無窮退不納督

糧參政劉連不職儀劾之連乃誣儀淫亂事適參將石亨欲

奏鎮守中官郭敬罪先咨儀儀誤賊咨牒於核餉主事文卷

中戶部以聞致亨敬相奏託詔儀連自陳而切責敬等連止

停俸二歲儀雖引罪自負其直詞頗激遂被劾下吏瘐死正

統二年二月也儀居官廉謹邊人素德之聞其死建昭德祠

以祀明

毛勝字用欽薊州人分省人初名福壽元右丞相伯卜花之

孫伯父邢海歸附以靖難功至都指揮同知無子勝父安大

臺輿通志 卷一百一十六 列傳二十四 八

嗣爲羽林指揮使傅子濟無子勝嗣明史宣德辛亥陞都指揮

使正統辛酉從征麓川入其境賊伏兵於路勝將遊兵覘之

射其象馬應手而仆遂敗其衆督船濟江直抵其巢走賊首

思任發破寨而還陞左軍都督僉事明年復征麓川平其塞

繫其黨與無算進都督同知己巳秋大同有警勝遇敵於道

生致數人以歸分省人以武清伯石亨薦進左都督督二千

營操練貴州苗大擾詔勝往討未行而也先逼京師勝禦之

彰義門北擊退之越二日引兵西直門外解都督孫鏗圍明

日都督武興戰沒於彰義門寇乘勝進勝與都御史王竑急

援之寇遂引卻勝追獲至紫荆關頗有斬獲事定乃命以左

副總兵統河間東昌降夷赴貴州時賊首韋同烈據香鑪山

勝與總兵梁瑤右副總兵方瑛等從總督王來分道夾擊勝

進自重安江會師山下環攻之賊窘縛同烈降還討湖廣巴

馬諸處反賊克二十餘寨禽賊首吳奉先等百四十人斬首

千級封南寧伯與世券疏請更名從之明史鎮守雲南金齒騰

衝諸處勝在鎮號令嚴嚴而御軍撫夷率以仁恕會長聞風

歸嚮明年將兵詣金沙江械賊子思機發送京師又明年倭

寇刁放革復叛勢甚猖獗勝率精兵突至騰衝生繫刁放革

餘衆悉竄伏事聞獎勞有加分省人天順二年卒贈侯誥莊

毅子榮嗣坐石亨黨發廣西立功成化初鎮貴州尋移兩廣

卒子文嗣宏治初協守南京傳爵至明亡乃絕明史

張敏承清人博聞強記側儻不羣宣德八年成進士歷官給

事中以才幹聞擢工部侍郎忤逆振幾被排賈晉蕭于謙皆

雅重之天順元年致仕分省人

畿輔通志

卷一百一十木

列傳二十四

五

王鏗寶坻人宣德十年舉順天鄉試第一知黃縣起湖振餓

以治行聞擢御史出爲浙江按察使平情執法致仕歸廣學

基置文廟祭器獎假後進多所成就鄉人稱之寶坻縣志

施聚其先沙漢人居順天通州父忠爲金吾右衛指揮使從

北征陣沒聚嗣職宣德中備禦遼東累擢都指揮同知以曹

義薦進都指揮使義與兀良哈戰聚皆從也先逼京師景帝

詔聚與焦禮俱入衛聚慟哭即日引兵西部下進牛酒聚揮

之曰天子安在吾屬何心覆此比至寇已退乃還聚以勇敢

稱官至左都督值英宗推恩得封伯後義二年卒贈侯誥威

靖四傳至瑾吏部言不當復襲世宗特許之傳爵至明亡明史

韓定字世安其先居廣平威縣曾祖某洪武初從征有功陞

錦衣衛千戶因家京師定好學不倦正統元年以儒生選人

翰林院學習夷字授鴻臚寺序班十四年隨駕親征景泰元

年入內閣辦事陞中書舍人吏部驗封司員外郎成化初入

史館修英廟實錄及大明一統志成以預有勞陞郎中提督

四夷館事十二年陞太僕寺少卿十三年史館續實治通鑑

成食正三品俸二十一年陞本寺卿定自幼事親孝處兄弟

友愛天性儉約至於姻族鄉里凡窮獨無告者則極力周恤

居官四十餘年無或少怠天順間詔求通夷字者大學士李

賢以定應詔入奏夷音譁字之說上悅賜寶鈔錦綺一日造

朝適曹欽反殺朝臣定避難民舍有火千戶同與避匿亂定

各散火被警家誣執爲欽黨擬死罪臨刑訴言與定同避定

力爭火遂得釋分省人

李震字用初宛平人祖嘉官禮部左侍郎震以廕補太學生

畿輔通志

卷一百一十六

列傳二十四

六

正統改元登進士選庶吉士改工科給事中持節往河南册封蕭遣一無所受矣支旆右給事中戊辰丁艱己巳敵警京師戒嚴奪情起震守東直門戊寅陞南京兵部右侍郎成化丙戌改兵部陞左侍郎巡視紫荆關一帶山場置立界牌禁伐林木衛護關隘還奏稱旨以疾卒震居家孝友蒞官勤慎所至除弊興利政聲籍籍尤厚於故舊工部侍郎孟某初任南京住部堂後廉忽得疾卒同官諱之移殮廡外震往弔立命昇還舊寢宛平陳定與其祖為友及沒其弟安留金陵年老家貧弗克返里震為助舟車歸之分首人

殷諫字文搗涿州人正統三年解元四年進士授戶部主事累官副都御史巡撫宣府猛將悍卒莫不馴服陞戶部尚書財賦充足軍國賴焉進太子少保致仕同

周尙文東安人正統三年舉人父目替以舌舌之復明尋官樂昌訓導母喪廬墓盜不敢犯成化中旌東安縣志

崔富字教之薊州人正統六年舉人知鄆州改知南通州陞兩浙運同退歸之日行李蕭然如有衣時學問該博增修家禮集說著鹽政一覽卒於家薊州志

禮雍字永熙長洲人寄籍宛平宛平志登正統七年進士授御史錄囚南畿碭山教諭某膳夫被笞逃匿父訴教諭殺其子取他尸支解以證獄既成矣雍踪迹得之白其冤巡按江西豐墨吏五十七人景泰二年擢廣東副使尋遷右倉都御史巡撫江西疏劾寧王不法事王府官皆得罪天順初罷天下巡撫官改山西副使被寧王劾下獄奪官起太理少卿尋復為右倉都御史巡撫宣府大同七年以事入覲留為兵部右

侍郎憲宗即位坐學士錢溥累貶浙江卒設廣西播種流劉廣東乃改雍左倉都御史贊總兵趙輔討賊先是編修邱濬上書大學士李賢言賊在廣東者宜擊在廣西者宜圍欲錄示諸將諸將主其說雍曰賊蔓延數千里而所至與戰是自敵也當全師直搗大藤峽攻其腹心餘刃解耳舍此不圖而分兵四出賊益奔突郡邑益殘所謂救火而噓之也輔從之雍等遂倍道趨全州至桂林斬僨軍者四人以徇按地圖與諸將議曰賊以脩仁荔浦為犄角之勢當先破之乃督兵十六萬人分五道克脩仁荔浦十月至潯洲炎老皆曰峽天險不可攻宜以計困雍曰峽延袤六百餘里安能使困遂長驅至峽口有數十人伏道左願為嚮導雍叱左右縛斬之

左右皆愕既縛而袂中利刃出推問之皆賊也悉支解剝腸胃分掛林菁中壘壘相屬賊大驚雍乃分兵為三路一自象州宣武攻其北總兵趙信等率之一自桂平平南攻其南雍與輔督之一從水路入參將孫震等率以行而別分兵守諸隘口賊大懼移其儲積於桂州橫石塘而立柵南山以拒十二月朔雍督諸軍水路並進擁圍牌登山連破石門林洞沙田石營諸巢伐木開道直抵橫石塘及九層樓諸山賊復立柵數重憑高以拒雍故張疑兵以引其矢石度且盡乃督諸軍緣木攀藤上別遣壯士從間道先登據山巔發破賊遂大敗先後破賊三百二十四砦生擒賊魁侯大狗及其黨七百八十人斬首三千二百有奇墜溺死者不可勝計賊有大藤如虹橫互兩崖間雍斧斷之改名斷藤峽勒石紀功而分兵

擊鬱林陽江洛容博白餘賊皆旋定帝賜勳勞召輔還選
 雍左副都御史提督兩廣軍務雍方散遣諸軍而遺孽陷潯
 州及洛容北流二縣雍被劾引罪帝宥之益發兵搜勦皆應
 時珍減四年春雍以兩廣地大事殷請各設巡撫詔從之而
 命雍專理軍事尋以憂歸明年盜復起帝從僉事陶魯林錦
 及巡按御史龔晟言罷兩巡撫而起雍右都御史總督如故
 雍疏請終制不許雍之官乃遣諸將分道出討忻州入砦壘
 及諸山猛獠掠州縣者皆摧破之九年柳尋諸蠻復叛參將
 楊廣等俘斬九百人方更進而壘陷漢集縣兵部劾雍奏報
 不實廣西鎮守中官黃沁素憾雍抑已因乘間訐雍貪欲縱
 酒等事帝遣給事中張謙等往勸而廣西布政使何宜副使
 張敷銜雍素惡已皆從而媒孽之謙還奏聞竟命致仕去兩
 廣人為立祠祀焉家居五年卒正德簡謙教明

李佩字希正東安人正統七年進士授戶科給事中景帝監
 國陳簡將才募民壯用戰車三事也先逼京師議者欲焚城
 外馬草佩言敵輕剽無持久心乞勿焚免復飲為民累皆報
 可時父母在容城侃曉夜悲泣乞假冒險迎之景帝初議錄
 扈從死事諸臣後佩言避難偷生者宜嚴譴以勵臣節上皇
 器還與同官劉福等言禮宜從厚忤旨被詰尚書胡濙為解
 乃已再還都給事中軍興減天下學校師儒奉廩佩奏復之
 戶部尚書金謙違詔徵租侃論謙下之獄石亨從子彪侵民
 業佩請置重典並嚴禁勦戚中官不得豪奪細民有可隱者
 同罪帝宥亨彪餘如其請時給事中敢言者林聰稱佩亦
 矯抗有直聲廷議易儲請大臣唯唯佩泣言東宮無失德聰

與御史朱英亦言不可時議壯之提督事府丞天順元年改
 太常丞進太僕卿明年復設山西巡撫遷侃右僉都御史任
 之奏言塞北之地與窮荒無異非生長其間者未有能寓居
 而狎敵者也今南人戍西北邊怯風寒間寇股栗而北人戍
 南亦不耐暑多潛逃宜令南北清勾之軍各就本土補伍人
 情交便成備得修時不能用奏發巡按李傑罪傑亦許侃拔
 傑事有驗除名侃無贖罪獲宥六年考察屬吏奏罷布政使
 王允李正芳以下百六十人因言諸臣年與臣若不堪任事
 者臣悉退之臣亦當罷詔不許侃性剛方力振風紀倉墨者
 屏迹其年冬以母喪歸軍民擁泣至不得行服除遂不出家
 居十餘年卒侃事親孝好學安貧沒幾不能殮弘治初國子
 生江紀等言前祭酒胡儼都御史高明李侃學行事功彰著
 耳目並乞屢諡寢不行侃二子德恢嚴州知府德仁河東鹽
 運使明

芮鈞字宗遠寶坻人正統七年進士觀政都察院掌院事者
 甚器之奏請遴選進士為御史得二十四人鈞其首也授河
 南道考數郎署及畿內百職復奉命按治遼東河南江西所
 至鋤強擊貪吏民畏服擢江西按察副使以外艱去江西十
 三郡人訴部使者冀奪情蒞職事殷得終制起復還陝西右
 布政使陝西地接戎虜三邊嘗屯重兵供餉為難鈞盡心區
 畫邊儲以足進都察院右副都御史巡撫甘肅至則首詢兵
 民利病而罷行之練士卒講斥堠精器械廣儲蓄敵眾寇涼
 州鈞率輕騎馳赴敵復分掠莊浪等處鈞隨機應變分兵追
 勦所向克捷虜遁去壬午以疾卒賜葬祭如禮分省人考

董方字仲矩瀛縣人正統九年舉人明年聯第進士授大理寺評事陞左寺正有巨室被盜方捕時東阿縣民蔣傑適與賊偕行因併執縛傑不能辯以考掠遂誣服方廉察之證驗皆明遂出傑神策衛軍詐稱錦衣旗校奉旨誦事誣取人財事覺有司以詐傳詔旨論應死方以被昌名誣財耳傳旨無實遂因得減論金吾衛卒領誦內局中道竊符板尺許還者得之有司以盜內府物律當斬方以物既傾出非潛入內府盜者宜以監臨自盜論遂減從徒景泰乙亥簡廷臣往覈諸處獄方得山西時太原民白政與邑人王選擇怨殺之投尸於河政復誣選妻與已通同謀殺既成獄方疑彼為夫婦三十年生子十餘人安得有此乃盡拘鄉鄰質之反復覈驗始得其情政遂服妻得免天順丁丑陞本寺右丞時石亨用事熏灼中外或謂一往見薦揚可立得方曰士貴氣節忍恥以要權貴吾弗為庚辰曹欽謀逆舉兵焚關方及同官李賓急趣軍士救護賊平累遷都察院右副都御史巡撫大同飭官吏謹備禦嚴操練清屯種籌略多方士卒用命以刑部尚書召還京陳邊務十五條上嘉納之乙未上策士殿前為侍講官致仕歸杜門謝客人罕見其面成化十九年卒贈太子少保諡義敬分省人

李質字廷用順義人正統十年進士授浙江道御史觀風兩浙值邊警往大同察者虜情奉敕召募民兵萬餘以法操練軍威大振虜遁去庚午陞太僕寺卿釐革宿弊馬政修舉進右副都御史提督永平山海諸軍務凡關陞城堡器械車馬無不整飭戒嚴以時無事乃散兵歸農繕其糧歸官而也

之利以興英廟復辟召為刑部尚書時相沿以竊盜罪四遇赦宥俱免以革後所犯論為初犯免刺發審奏言律為萬世常規赦係一時恩例今盜賊日多律法從減事發問擬做工往往隨即在逃仍復為盜見周者未結而犯之者即至若欲弭盜以安民必須依律而坐罪宜通以革前革後准三犯論絞開奏定奪承為遵守又因刑部擬罪太刻疏舉失刑者數事朝論趨之已耶丁母憂詔奪情庚辰父病甚陳情乞視至家而父逝居喪盡禮乙終制特詔起復視事是年曹欽反躬率家人擊之於長安右門尋改南京兵部尚書參贊機務奏發倉廩賑貸全活甚眾有鹽徒乘巨艦張旗載數出江上肆劫掠商旅患之乃嚴督操江將士捕獲渠魁餘黨悉平己丑以九載考績朝京陞左都御史進太子少保仍兼前職丁酉乞休時年六十有二乙巳春以微疾卒賜葬祭如例贈太子少保諡義敬上

楊慶順義人為第子員時咀儉茹檮讀書學宮別舍常以鐵磬注水而炊分省人領正統十二年鄉薦順義縣志授胙城知縣胙有公田千餘頃為權貴所據歲可獲四五百金慶欲出之以公民利因搆怨免官歸行囊止有俸銀十兩驛云程遂千里十金俸仕宦三年七品即幾卷舊書有餘味吾兒管領襄秋香後子果領鄉薦分省人

岳正字季方灤縣人正統十三年會試第一賜進士及第授編修進左贊善天順初改修撰教小內侍書閣臣徐有貞李賢下獄帝既用呂原預政頃之薛瑄又致仕帝謀代者王朔以正薦遂召見文華殿正長身美鬚帝適見色喜既登陞

連稱善問年幾何家安在何年進士正具以對復大喜曰爾年正強仕吾北人又吾所取士今用爾內閣其盡力輔朕正頓首受命趨出石亨張軌遇之左順門愕然曰何自至此比入帝曰朕今日自擇一閣臣問為誰帝曰岳正兩人陽賀帝曰但官小耳當與吏部左侍郎兼學士兩人曰陛下既得人俟稱職加秩未晚帝默然遂命以原官入閣正素豪邁為氣敢言及為帝所拔擢益感激思自效嘗欽天監侍郎湯序者亨黨也嘗奏災異請盡去奸臣帝問正正言奸臣無指名即求之人人自危且序術淺何足信也乃止有僧為妖言鑄衣枝邏得之坐以謀反中官牛玉請官邏者正言事縱得實不過坐妖言律邏者給賞而已不宜與官僧黨數十人皆得免或為匿名書列曹吉祥罪狀吉祥怒請出榜購之帝使正撰榜格正與呂原入見曰為政有體盜賊責兵部奸宄責法司豈有天子出榜購募者且事緩之則自露急之則愈匿此人情也帝是其言不問亨從子彪鍾大同獻捷下內閣問狀使者言捕斬無算不能悉致皆梟置林木間正按地圖指詰之曰某地至某地皆沙漠汝梟置何所其人語塞時亨吉祥恣其帝頗厭之正從容言二人權太重臣請以計聞之帝許焉正出見吉祥曰忠國公常令杜濬來此何為者吉祥曰尋石公愛致誠款耳正曰不然彼使何公所為耳因勸吉祥辭兵柄復詣亨諭令自戢亨吉祥揣知正意怒吉祥見帝免冠泣請罪帝內愧慰諭之召正責備言承天門災正極言亨將為不軌且言陳汝言小人今既為尙書可用虛花為侍郎二人者俱諱悍若同事必相齟齬乘其隙可並去之徐有貞再

下獄復云用有貞則天變可弭帝皆不納及敷諭廷臣命正視草正草敕曰乃者承天門災朕心震驚因知所措意敬天事神有未盡與祖宗成憲有不遵與善惡不分用守乖與曲直不辨刑獄免與征調多方軍旅勞與賞賚無度府庫虛與興發吏弄法擅威福與征斂徭役太重而閭閻靡寧與讒諂奔競之徒進而忠言正士不用與抑有司聞其酷暴貪冒無厭而致軍民不得其所與此皆傷和致災之由而朕有所未明也今朕省愆思咎忱惕是在爾羣臣休戚惟均其洗心改過無蹈前非當行者直言無隱敕下舉朝傳誦而亨吉祥播黃語謂正賣直諂誦帝怒命仍授內侍書明日諭欽州同知道漸以母老留旬日陳汝言令巡檢言狀且言正嘗奪公主田遂逮繫詔獄杖百戍肅州行至涿夜宿傳舍手攀急氣奔且死涿人楊四醉卒酒脫正拳刺其中且厚賂卒乃得至戍所亨吉祥既誅帝謂李賢曰岳正固嘗言之賢曰正有老母得放門田里幸甚乃釋為民憲宗立御史呂洪等請復正與楊瑄官詔正以原官直經筵纂修英宗實錄初正得罪都督僉事季鐸乞得其實宅至是敕還正正還朝自謂當大用而賢欲用為南京祭酒正不悅忌者偽為正劾賢疏草賢嫌之成化元年四月廷推兵部侍郎清理貼黃以正與給事中張寧名並上詔以為私出正為興化知府而寧亦補外正至官案隄溉田數千頃節縮浮費經理倉儲本欲有所興革鄉士大夫不利其所為騰謗言正亦厭吏職五年入覲遂致仕又五年卒年五十五無子大學士李東陽御史李經其壻也正博

學能文章高自期許氣屹屹不能下人在內閣才二十八日

勇事敢言便殿論奏至唾滅帝衣有規以信而後讓者慨然

曰上顧我厚懼無以稱子乃以諫官處我耶英宗亦悉其

忠其在成所嘗念之曰岳正倒好只是大膽正聞自為像贊

述帝前語末言臣嘗聞古人之言蓋將之死而靡憾也其自

信不同如此然意廣才疏欲以縱橫之術離散權黨反為所

噬人皆迂而惜之嘉靖中追贈太常寺卿諡文肅明史

秦敬字克恭涿州人正統十三年進士授刑部主事累遷副

都御史巡撫貴州蠻獍戢服以病乞歸嘉正民攜老扶幼送

之百里外涕泣不忍舍貴州通志

表彬京師人少以材力射生遷充獲騎刺奸從英宗於土木

沒也先麾下久之乃使侍帝帝方坐帳中咄咄無所出得彬

甚喜彬溫美多計數善言笑時時為隱語悅帝明書夜則

與帝同寢天寒恒以脅溫帝足也先之犯大同宣府還京師

皆奉帝以行彬擁護不少懈嘗代帝草書以奉太后勸景帝

諭羣臣中官喜寧背帝為也先腹心勸也先西犯夏夏掠馬

趨江表居帝南京彬與蒙古人哈銘侍帝側謂帝曰天寒道

遠陛下又不能騎空取凍飯耳且至彼而諸將不勦奈何帝

止寧計寧欲殺二人帝力解而止也先欲獻妹於帝彬請駕

旋而後跨帝竟辭之一日也先縛彬至曠野將支解之帝趨

救乃免彬嘗中寒帝憂甚以身壓其背汗浹而愈帝居漠北

期年視彬猶骨肉也及帝還京景帝授彬錦衣試百戶天順

改元擢指揮僉事尋進同知明史賜城東第一區職補以平

賈欽功進都指揮僉事明史時門達寵幸用事念得言已於上

者惟彬與李賢乃百計中彬許其受石亨賈欽賄數十事上

不悅曰彬倚故人恩負我雖然法當行還我一活表彬足矣

他任治之達退執彬臨拷掠彬不勝其苦具誣服長安漆工

楊垣擊登聞鼓上書言駕留北庭保護聖躬惟彬一人今卒

然付獄拷掠備至誰為辨此枉者乞以彬等御前審錄庶得

明白弁下達治達恚咎之百餘曰此必有人甚汝頃知達意

在賢謬曰小人有陰事且告公達喜曰日前垣前曰某小人何

辨此此李學士草耳達益喜出湯沐垣弁以膠肉食之奏請

三法司會鞫午門外垣至午門懷其餘肉大呼曰天乎冤哉

小人何從見李閣老門指揮以膠肉食小人令引關老肉今

尚在且言即有饋彬者恒倍饋達歷指數之彬得不死識

物然猶謂南京錦衣衛帶俸闖住越二月英宗崩達貶都勻

召彬復原職仍掌衛事未幾達微下獄充軍南丹彬饑之於

郊饋以鹽成化初進都指揮同知久之進都指揮使廉靜寡

欲輿論疑之十三年擢都督僉事准前軍都督府卒於官明史

案明史表彬傳作江西新昌人而傳雜錄則書孫奇達人

物考均云京師人維翰奇達皆燕產也說當較確康熙志列

蓋亦以此

冀遂榮餉衣衛千戶英宗入塞遂榮寓書大學士高穀言奉

迎禮當從厚主上當避位懇辭而後授命穀袖其書入朝視

廷臣曰武夫何知此禮况儒臣乎陳循劾遂榮越職言事下

獄會赦得出雍正

郭登武定侯英孫以勳居京師正統時進都督僉事守大

同雍正一日敵騎猝至登出戰被執臥皮帳中帳垂四角

以木梃界之往見其渠渠以登體肥不善走忽之登乃奪馬

突圍疾馳還營人物考會上親征而成國公朱冕西寧侯宋

瑛等全軍覆沒倉卒議班師登言車駕宜亟入柴荆得傳關

書王振不從遂及於敗當是時大同盡閉人心洶洶登釋械

修城拊循士卒親為裹創傳藥曰吾誓與城存亡不令諸君

獨死也八月也先擁帝北去經大同使袁彬入城索金幣登

皆總兵劉安知府霍瓚等出謁伏地痛哭進金二萬餘帝即

以賜也先是夕敵營城西登謀却營迎駕不果景帝監國進

都督同知充副總兵尋代安為總兵官十月也先犯京師登

將率所部入援先以蠟丸馳奏至敵已退優詔褒登進右

都督上用兵方略十餘事景泰元年春寇騎數千自順聖川

入營沙窩登率八百人大破之軍氣為之一振封定襄伯子

世券四月寇騎數千奄至登出東門戰倖北誘之入土城伏

起敵敗走登度敵且復至令軍士齋毒酒羊豕積錢偽為祭

塚者見寇即棄走寇爭飲食之死者甚衆六月也先復以一

千騎入寇登再擊卻之越數日奉上皇至城外聲言將歸之

登與同守者朝服候駕月城而伏兵城上將倭上皇入即下

月城關而大戰也先覺之遂擁上皇去初也先欲取大同為

虎嚙故數來攻及至輒敗始有還上皇意上皇既還代王任

擢頌登功乞降敕獎勞兵部言登已封伯乃止二年登以老

龍輔通志 卷一百一十 列傳二十七

考

召還以勅降都督僉事立功甘肅憲宗即位詔復伯爵充甘

肅總兵官以邊軍賞馬甚艱奏乞借楚慶肅三王馬各千匹

官酬其直從之召掌中府事總神機營兵成化十四年復兼

十二團營命登偕朱永提督八年卒諡忠武無子以兄子嵩

為子襲爵後以非登嫡嗣止嵩身子參降錦衣衛指揮使明史

劉懷義大興人性醇謹事親以孝聞正統中旌雍正

郭鎮宛平人正統間知新興州值大饑水溢民不聊生鎮設

醴祭河水患以紓懼知雲南府勤於其職凡倉廩學校修葺

一新卒於官滇民祀廣備倉旁新興州亦祀之雲南

劉器之良鄉人五世同居英宗臨其家詔旌之一大清

張墳固安人正統中任巡檢父癯疾告天廟以身代及親沒

廬墓三年景泰初母卒一如喪父負土成墳植木成林固安

孫雄通州左衛人以純孝著親沒廬墓三年正統間有司奏

表其門通州

侯顯昌平人為諸生母喪廬墓狼虎遠迹正統中旌雍正

朱銳通州人景泰二年進士少貧為州庠生嘗宿學舍同舍

生失銀替誣銳竊之銳不與辯償以銀後同舍生於他處得

替乃愧還其銀又於儒學門前拾得金銀器皿一袋俟於學

門候其人至詢得其實歸之其人謝以金竟不受歷官工部

龍輔通志 卷一百一十 列傳二十四

考

賤貧富接之以禮鄉人稱之分省人

金純平谷人景泰五年進士官刑部郎中善勸免獄出為桂

林知府時獯民作亂逸按王浩遣純往撫純直詣賊壘諭之

羣獯皆痛哭聽撫浩欲以聞純力辭尋進中憲大夫調廣信

府永登報仇賊趨統督兵討平之再遷山西右布政使以疾

致仕康仲子漢字濬之正德六年進士授南禮部主事恪

勤敦樸陞刑部員外進郎中推鞠詳明以外艱歸起工部鳳

中出守鞏昌清介絕俗吏民懷畏遷山東運使嚴籌書絕請

託歲課三倍其初以老致政布衣蔬食泊然也家居二十餘

年年九十二而終平谷縣志

高瑄霸州人景泰間副縣典史興水利築城垣愛民好士政

績顯著祀名宦祠陝西通志

吳蓮父恭順侯克忠沒於土木蓮嗣父爵天順初石亨恃功

驕橫上頗疑之一日上登翔鳳樓見亨新第極偉麗顧問蓮

及撫寧伯朱永日此何人居永謝不知理對日此必王府上

笑日非也蓮頓首日非王府也誰敢僭若此上自是益疑亨

曹欽之變瑾知其謀請長安門告變內廷乃薄吉祥且為備

瑾及諸將分道逆擊大戰於東華門外為欽所殺事平贈涼

國公諡忠壯與世侯歲輔人物考案恭順侯克忠本蒙

有傳然史但言使領所訓居涼州耕牧未言居京師也明史

忠則史言於洪熙元年以戚里恩進侯其居京師或以戚里

與欽展毓字鍾秀自鳳翔之岐山徙京師家故貧賈卜以自給已

而事舉子業遊順天府學天順元年舉進士擢河南道御史

兩按藩鎮皆有譽其在山東有無賴民詭為僧遊食市中者

甚眾悉驅之耕其在朔方有中官出鎮橫飲茶毒人莫敢抵

牾毓首為狀白都御史奏之彼竟得罪去大同萬全之間有

牧地數百里析兩地兵民居之眾侵斂擾亂至相殺曹有司

莫能制毓掘地為塹數里抵南北山麓中分之戒不得過乃

已時戊政廢弛命尚書王竑及毓理之乃聞士卒壯勇者復

營為十二居則其習戰則俱往其為法最良馬之在畿牧者

民多以駝為奸毓與給事中一人偕往治之責太僕之不在

事者劾罷其丞六人毓風義凝重鼻然不對於物其有不合

者雖貴勢必與之抗人皆以為能御史分省人物考

邢表字居正文安人天順元年進士知獲嘉縣以治行最推

彰德知府坐與王府爭事調衛輝並有善政歷四川布政使

歲災大發廩賑貸全活無算茶課逋者三百餘萬斤表請每

斤徵銀一分充梅藩餉從之弘治初就拜右副都御史巡撫

其地及卒家無餘貲雍正

郭敏寶坻舉人大順五年知吳堡捐循良勸奸猾督學均役

勸農賑饑民懷其德陝西通志案康熙雍正志及順天府

志寶坻縣志選舉俱無寶坻舉人郭敏

楊填字景和京城戍卒之餘夫也錦衣衛指揮門達惡其同

僚袁彬誣以重罪拷掠成獄內外冤之莫敢發也填素不識

彬為之上疏日正統十四年駕留虜庭羣臣奔散逃生惟袁

彬一人特校尉耳乃能保護聖躬備嘗艱苦及駕還復辟授

職酬勞公論稱快今者無人奏劾卒然付獄拷掠備至罪定

而後附律法司雖知其枉莫敢辨明陷彬於死雖止一夫但

傷公論人不自安乞以彬等御前審錄庶得明白死者無憾

生者亦安臣本一介草茅身無祿秩見此不平昧死上言遂

擊登聞鼓以進仍送衛獄逮因是欲盡夫異己者乃緩填死

使誼少保李賢指使項侔諾之遠遂以聞會三法司鞫於午

門前填乃直述所言皆由已出於賢無預違計不行而彬猶

降黜未幾英宗升遐言者劾違異填事為證逮誦死南丹

彬復舊職代達總衛事成化初修英宗實錄稱義士楊垣云
垣父爲漆工宣德間遷入至後國傳泥金畫漆之法以歸垣
遂習之而自出己見以五色金鈿並施不止如舊法純用金
也倭人見之亦稱歎其敏悟或欲授之以官不就遂隱於藝
以終分省人物考 案垣之訟冤事
在天順七年見明史門達傳

李東陽字賓之茶陵人以茂籍居京師四歲能作徑尺書景
帝召試之甚喜抱置膝上賜果鈔後兩召講尙書大義稱旨
命入京學天順八年十八成進士選庶吉士授編修累遷
侍講學士充東宮講官宏治五年憲宗實錄成由左庶子兼
侍講學士進太常少卿兼官如故五年旱災求言東陽條摘
孟子七篇大義附以時政得失累數千言上之帝稱善閣臣
徐溥等以詔敕繁請如先朝王直故事設官專領乃擢東陽

禮部右侍郎兼侍讀學士

入內閣專典詔敕八年以本官直

圭

文淵閣參預機務與謝遷同日登用久之進太子少保禮部
尙書兼文淵閣大學士十七年重建關里廟成奉命往祭還
上疏言臣奉使適行適遇亢旱天津一路夏麥已枯秋禾未
種輓舟者無完衣荷鋤者有菜色盜賊雜橫青州尤甚南來
人言江南浙東流亡載道戶口消耗軍伍空虛庫無旬日之
儲官狎累歲之俸東南財賦所出一歲之饑已至於此北地
昔歲素無積聚令秋再歉何以堪之事變之生恐不可測臣
自非經過其地則雖處官曹日理章疏猶不得其詳況陛下
高居九重之上耶臣訪之道路皆言冗食太衆國用無經差
役煩煩科派重疊京族土木繁興供役軍士財力交殫每遇
班操甯死不赴勢家鉅族田連郡縣猶請乞不已親王之藩

供億至二三十萬游手之徒託名皇親侯從每於關津都會

大張市肆網羅商稅國家建都於此仰給東南商賈驚散大

圭

而細故更有織造內官縱萃小措擊鬪河官吏莫不奔駭鬻
販窮民所在騷然此又臣所目擊者夫關閭之情郡縣不得
而知也郡縣之情廟堂不得而知也廟堂之情九重亦不得
而知也始於容隱成於蒙蔽容隱之端甚小蒙蔽之禍甚深
臣在山東伏聞陛下以災異屢見敕羣臣盡言無諱然詔旨
頻降章疏畢陳而事關內廷貴戚者動爲掣肘累歲經時俱
見迴罷誠恐今日所言又爲虛文乞取從前內外條奏詳加
採擇斷在必行帝嘉歎悉付所司是時帝數召閣臣面議政
事東陽與首輔劉健等竭心獻納時政闕失必盡言極諫東
陽工古文閣中疏草多屬之疏出天下傳誦明年與劉健謝
遷同受命武宗立履加少傅兼太子太傅劉瑾入司禮東
陽與健遷即日辭位中旨去健遷而東陽獨留恥之再疏懇
請不許初健遷持議欲誅瑾詞甚厲惟東陽少緩故獨留健
遷漸行東陽祖泣下健正色曰何泣爲使當日力爭與我
輩同去矣東陽默然瑾既得志務摧抑搢紳而焦芳入關助
之虐老臣忠直士放逐希盡東陽抱憾不得志亦委蛇避禍
而焦芳嫉其位己上日夕搆之瑾先是東陽奉命編通鑑纂
要既成瑾令人摘筆書小疵除騰錄官數人名欲困以及東
陽東陽大窘處芳與張綏爲解乃已瑾兇暴日甚無所不誅
侮於東陽猶陽禮敬凡瑾所爲亂政東陽彌縫其間亦多所
補救尙賓卿崔瑄副使姚祥郎中張偉以違制乘肩輿從者
妄索驛馬給事中安奎御史張璠以覈邊餉失瑾意皆荷重